



Broj: 04/3-11-1845/25
Ilijaš, 10.09.2025. godine

Na osnovu člana 46. stav 4. Zakona o budžetima u Federaciji BiH ("Službene novine Federacije Bosne i Hercegovine" broj: 102/13,9/14,13/14,8/15,91/15,102/15,104/16, 5/18, 11/19, 99/19, 25a/22 i 7/25), tačke 55. Smjernica o minimalnim standardima dodjele budžetskih sredstava putem transfera i subvencija u Federaciji Bosne i Hercegovine („Službene novine Federacije Bosne i Hercegovine“ broj: 37/24), člana 3. Budžeta Općine Ilijaš za 2025. godinu ("Službene novine Kantona Sarajevo" broj: 8/25), člana 10. Odluke o izvršavanju Budžeta Općine Ilijaš za 2025. godinu ("Službene novine Kantona Sarajevo", broj: 8/25), člana 8. Pravilnika o uslovima, načinu i kriterijima za dodjelu sredstava lovačkim društvima i udruženjima br: 04-3-11-1846/25 od 05.08.2025. godine, člana 107. Statuta općine Ilijaš ("Službene novine Kantona Sarajevo" broj: 20/09-- prečišćeni tekst i 46/18) a na prijedlog Službe za privredu i finansije, Općinski načelnik, donosi:

ODLUKU

O DODJELI SREDSTAVA ZA FINANSIRANJE/ SUFINANSIRANJE PROJEKATA/PROGRAMA LOVAČKIH DRUŠTAVA I UDRUŽENJA IZ BUDŽETA OPĆINE ILIJAŠ ZA 2025. GODINU

Član 1.

(1) Ovom Odlukom utvrđuje se raspodjela sredstava za finansiranje/sufinansiranja projekata/programa lovačkim društvima i udruženjima iz Budžeta Općine Ilijaš za 2025. godinu, koji su ispunili uvjete iz Javnog poziva za prikupljanje zahtjeva lovačkih društava/udruženja radi dodjele sredstava za finansiranje/sufinansiranje iz Budžeta Općine Ilijaš za 2025.g.

(2) Sredstva za ove namjene obezbjeđena su u Budžetu Općine Ilijaš za 2025. godinu u iznosu od 19.350,00 KM, na budžetskoj poziciji :

- „614300- Tekući transfer neprofitnim organizacijama-Transfer za finansiranje projekata Lovčkih društava

(3) Sredstva iz stava (2) raspoređuju se na sljedeći način:

Aplikant / Projekat	Odobreni iznos (KM)
Udruženje lovačko društvo „ZEC“ Ilijaš	
Priključak na elektromrežu i izrada elektroinstalacija za lovačku kuću ULD „ZEC“ Ilijaš na lokaciji Bioča-Ilijaš	1.900,00
„Proširenje i adaptacija hladnjače za divljač u sklopu Lovčkog doma ULD „ZEC“ Ilijaš	3.900,00
„Izgradnja visoke čeke (lovačke) zatvorenog tipa (2x2) na lokaciji Stari Grad (Nasići)	2.800,00
„Rekonstrukcija elektroinstalacija i povećanje priključne snage na monofaznom brojilu za objekat Lovčki dom Ilijaš	3.500,00
SVEUKUPNO	12.100,00

Udruženje lovačko društvo „Srednje“ Ilijaš	
„Uzgoj i zaštita divljači-Nabavka automatskih hranilica i nadzornih kamera“	4.000,00
„Opremanje soba na lovačkom domu Jelik“	3.250,00
SVEUKUPNO	7.250,00

UKUPNO ULD ZEC Ilijaš	12.100,00
UKUPNO ULD Srednje Ilijaš	7.250,00
SVEUKUPNO	19.350,00

Član 2.

Općinski načelnik će sa korisnicima sredstava iz člana 1. stav (3) ove Odluke zaključiti Ugovor o dodjeli sredstava za finansiranje/sufinansiranje iz Budžeta Općine Ilijaš, a putem kojeg će se regulisati međusobna prava, obaveza i odgovornosti koje se odnose na dinamiku i modalitet za doznačavanje sredstava, načina praćenja namjenskog trošenja sredstava, te elemente narativnog i finansijskog izvještavanja o provođenju odobrenih programa/projekata na osnovu Javnog poziva za prikupljanje zahtjeva lovačkih društava/udruženja radi dodjele sredstava za finansiranje/sufinansiranje iz Budžeta općine Ilijaš za 2025.godinu.

Član 3.

Korisnicima sredstava iz člana 1. stav (3) ove Odluke, koji u ugovorenom roku ne dostave izvještaj o utrošku sredstava, Općinski načelnik će svojom Odlukom obustaviti finansiranje odobrenog programa i aktivirati mehanizme povrata sredstava u slučaju utvrđenog nenamjenskog trošenja budžetskih sredstava.

Član 4.

Za realizaciju ove Odluke nadležna je Služba za privredu i finansije Općine Ilijaš.

Član 5.

Ova Odluka stupa na snagu danom objavljivanja, a ista će biti objavljena na oglasnoj tabli Općine Ilijaš i web, Facebook i Instagrama stranici općine.

Obrazloženje:

Na osnovu člana 46. stav 4. Zakona o Budžetima u Federaciji BiH (Službene novine FBiH 102/13, 9/14, 13/14, 8/15, 91/15, 102/15, 104/16, 5/18, 11/19, 99/19, 25a/22 i 7/25), te tačke 24. i 25. Smjernica o minimalnim standardima dodjele budžetskih sredstava putem transfera i subvencija u Federaciji BiH (Službene novine Federacije BiH br. 37/24), a na osnovu Pravilnika o uslovima, načinu i kriterijima za dodjelu sredstava lovačkim društvima i udruženjima br: 04-3-11-1846/25 od 05.08.2025. godine Služba za privredu i finansije je pripremila teksta Javnog poziva a Općinski načelnik raspisao Javni poziva za prikupljanje zahtjeva lovačkih društava/udruženja radi dodjele sredstava za finansiranje/sufinansiranje i Budžeta općine Ilijaš za 2025.g. dana 06.08.2025. godine sa krajnjim rokom dostave aplikacija 07.09.2025. godine do 15:00 sati.

Javnim pozivom su pozvana lovačka društva/udruženja registrovana u skladu sa odredbama Zakona o lovstvu i Zakona o udruženjima i fondacijama, a koja imaju zaključene ugovore o korištenju/gazdovanje lovištima na području općine Ilijaš da podnesu zahtjeve za projekte koji će se finansirati/sufinansirati iz sredstava Budžeta Općine Ilijaš, u skladu sa sljedećim uslovima :

- projekat/program koji doprinosi zaštiti, održavanju i poboljšanju životnih uslova za divljač u lovištu izgradnjom lovno-uzgojnih objekata (pojila, hranilišta, solila, spremišta za hranu, automatske hranilice i sl),
- projekat/program koji doprinosi čuvanju i zaštiti divljači i lovišta održavanjem i izgradnjom lovno-tehničkih objekata (čeke, kolibe, staze, hladnjače za divljač, lovačke kuće, lovački domovi i sl.).

Nakon isteka roka za dostavljanje aplikacija po Javnom pozivu putem protokola Općine Ilijaš u ostavljenom roku Služba za privredu i finansije je zaprimila 6 (šest) prijava. Nakon otvaranja i selekcije prijave Služba za privredu i finansije je konstatovala da svih 6 (šest) prijave ispunjavaju opće uvjete za dodjelu sredstava te su iste ušle u narednu fazu ocjene. Služba za privredu i finansije o provedenim

aktivnostima tokom otvaranja ponuda je sačinila Izvještaj sa prijedlogom za dodjelu sredstava poštujući odredbe člana 5. Pravilnika o uslovima, načinu i kriterijima za dodjelu sredstava lovačkim društvima i udruženjima, te prijedlog Odluke o dodjeli sredstava za finansiranje/sufinansiranje projekata/programa lovačkim društvima/udruženjima iz Budžeta općine Ilijaš za 2025. godinu.

Nakon razmatranja dostavljenog prijedloga Općinski načelnik je na osnovu člana 46. stav 4. Zakona o budžetima u Federaciji BiH ("Službene novine Federacije Bosne i Hercegovine" broj: 102/13,9/14,13/14,8/15,91/15,102/15,104/16, 5/18, 11/19, 99/19, 25a/22 i 7/25), tačke 55. Smjernica o minimalnim standardima dodjele budžetskih sredstava putem transfera i subvencija u Federaciji Bosne i Hercegovine („Službene novine Federacije Bosne i Hercegovine“ broj: 37/24), člana 3. Budžeta Općine Ilijaš za 2025. godinu ("Službene novine Kantona Sarajevo" broj: 8/25) , člana 10. Odluke o izvršavanju Budžeta Općine Ilijaš za 2025. godinu ("Službene novine Kantona Sarajevo", broj: 8/25), člana 8. Pravilnika o uslovima, načinu i kriterijima za dodjelu sredstava lovačkim društvima i udruženjima br: 04-3-11-1846/25 od 05.08.2025. godine, člana 107. Statuta općine Ilijaš ("Službene novine Kantona Sarajevo" broj: 20/09- prečišćeni tekst i 46/18) a na prijedlog Službe za privredu i finansije, donio Odluku kao u dispozitivu.

Pouka o pravnom lijeku: Protiv ove Odluke nezadovoljna stranka ima pravo Prigovora Općinskom načelniku u roku od 8 dana od dana objave.

Obradio :

Šef odsjeka za budžet i trezor :

Mr. Nedžad Masnopita

Kontrolisala:

Sekretar organa uprave

Masnopita Adha, dipl.prav.

Općinski načelnik

Dževadžija Amar

Dostavljeno:

- Oglasna tabla
- Aplikantima 2x
- Služba za privredu i finansije Općine Ilijaš
- a/a

